

9299

3122

94

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 2 1941

新編古今事文類聚卷之二

東宮官部

三師三少

歷代沿革

三師教世子立太傅少傅以養之

三少入則有保出則有師

三幼在襁抱太公為太師高帝九年以叔孫

通為太子太傅位次太常太傅一人中二

千石禮如師不領官屬少傅二千石悉主太子

官屬太傅於太子不稱臣少傅稱臣咸寧

新編古今事文類聚卷之一

外集

東宮官部

哈佛大學漢和
圖書館珍藏印

三師三少

藏書

三師三少

歷代沿革

三五教世子立太傅少傅以養之

文王世子入則有保出則有師成

王幼在襁抱太公為太師漢高帝九年以叔孫

通為太子太傅位次太常後漢太傅一人中二

千石禮如師不領官屬少傅二千石悉主太子

官屬魏太傅於太子不稱臣少傅稱臣晉咸寧

中備六傅之職**東晉**以景帝諱師故改太師為太保**梁**三少各一人掌奉皇太子以觀三師之德**後齊**以太師太傅太保為三師少師少傅少保為三少**唐**三師三少官不必備唯其人無其人則闕之太子太師太傅太保各一人從一品少師少傅少保各一人從二品**宋**師傅不常設仁宗升儲置三少各一人李文定公以參知政事兼掌賓客及陞左相遂進兼少傅此宰相兼官僚之所從始也丁謂兼少師馮拯兼少傅曹利用兼少保是時實為東宮官餘多以前宰執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政其少師非經顧命不除若本官至尚書即除少傅丞郎給諫只除少保若因遷轉則遞進一官至太師即遷司空矣天禧末皇太子同聽政乃以首相兼少師樞使曹利用兼賓客自後東宮皆不置開禧三年史同知自詹事入樞府乃進兼賓客已而太子侍立遂以錢丞相兼太子少傅明年並置二相左相改兼少師右相兼少傅**大元**置太

子太師太傅太保掌以道德輔導太子少師少傅少保掌明三師德行以諭太子而論諸道其人不必備

羣書要語

凡三王教世子必以禮樂立太傅少傅以養之欲知父子君臣之道也太傅審父子君臣之道以示之少傅奉世子以觀太傅之德行太傅在前少傅在後入則有保出則有師是以教諭而德成也師也者教之以事而喻諸德者也保也者謹其身以輔導之而歸諸道者也記文王世子選天下端士孝悌

博聞有道術者以輔翼之故太子見正事聞正言行正道左右前後皆正人也大戴禮樂正司業父師司成一人元良萬國以貞貞正也同

主也言樂正教以業父師教以成禮記尊敬師

傳詩國之將興尊師重侍也漢詔先王之建太

子必擇九德之師六行之傳薛綜謝表實資六

傳之賢用弘三善之益白集嚴緩制太師太傅

太保掌輔導皇太子少師少傅少保掌曉三師

德行以諭皇太子奉太子以觀三師之道德唐

志三少之職掌教諭太子舊唐書太子三師以

道德輔教太子者也至於動靜起居言語觀聽
皆有以師焉續通典

古今事實

周召保傅

賈誼上疏曰昔者成王幼在襁抱召公為太保
周公為太傅太公為太師保保其身體傅傳其
德義師導之教訓比三公之職也於是為置三
少皆上大夫也曰少保少傅少師是與太子宴
者也故乃孩提有識三公三少固明仁孝禮義
以道習之逐去邪人不使見惡行前漢本傳

廣受師少

疏廣為太子太傅兄子受為少傅在位五歲皇
太子年十二通論語孝經廣謂受曰吾聞知足
不辱知止不殆今仕至二千石官成名立如此
不懼有後悔即日父子上疏乞骸骨公卿故人
設祖道供帳送者車數百兩道路觀者皆曰賢
哉二大夫同上本傳

令太子拜

晉武帝時有司奏東宮二傅禮儀不同帝曰崇
敬師傅所以尊教前世之令典也何論臣與不

臣其令太子拜之 晉書

見輒先拜

唐順帝為皇太子禮重師傅見輒先拜 順宗實錄

生即置輔弼

唐太宗謂庶子于志寧曰古者太子既生士負之即置輔弼成王幼小焉召為師是也

請赴資善堂

宋朝仁宗為皇太子宰相丁謂馮拯兼少師少傅樞使曹利用兼少保參政王曾樞副錢惟演兼賓客謂等因請師傅十日一赴資善堂賓客

以下隻日互陪侍講學上從之 石林燕語

古今文集

雜著

經筵劄子

程頤

三代之時人君必有師傅保之官師道之教訓傳傳其德義保保其身體後世作事無本知求治而不知正君知規過而不知養德傳德義之道固已踈矣保身體之法無復聞焉臣以為傳德義者在乎防見聞之非節嗜好之過保身體者在乎適起居之宜存畏謹之心臣欲乞

皇帝左右扶持祇應宮人內臣並選年四十五已上厚重小心之人服用器玩皆須質朴應華巧奢麗之物不得至於上前要在侈麗之物不接於目淺俗之言不入於耳及乞擇內臣十人充經筵祇應以伺候皇帝起居凡動息必使經筵官知之有剪桐之戲則隨事箴規違持養之方則應時諫止調護聖躬莫過於此

太子、太師

羣書要語

師範國儲唐陸集李勉制輔翼春闈是資教導陸宣公集李勉太師

制傳道元子帥長庶僚唐孫逖行信安王禕太師制

師制宜優天秩之榮俾極宮臣之位同上作訓

元儲許敬宗除太師制晨謁金墀事功於忠蹇

夜隨銀絜義先於調護同上贊翼皇儲允歸師

保曲阜行岐王範太師制來儀博望同上博望

太子苑名宮師之尊曲阜行蔣之奇制

古今事實

銀印青綬

晉官品令云太子太師銀印青綬

始同三品

長孫無忌爲太子太師同中書門下三品同三品自此始

唐職林

迎崇賢門

晉東宮故事皇子請崇賢門迎師傅

居詹事府

馮定爲太子詹事時宰臣鄭覃兼太子太師欲於尚書省上事定奏曰據六典太師居詹事府不合於都省禮上乃詔於本司上事人推美之

詔荅辭疾

唐太子承乾與魏王泰交惡帝曰當今忠蹇貴重無踰魏證遣傅太子慰天下之望羽翼固矣即拜太子太師證以疾辭詔荅曰漢太子以四皓爲助我賴公其義也公雖卧病可擁全之

唐書

遺表書笏

唐太子太師魏玄成薨太宗謂侍臣曰玄成已沒朕遣人至宅就其書函得表一紙云天下之事有善有惡任善人則國安用惡人則國亂公卿之內有愛有憎所宜詳慎若愛而知惡憎而

知其善去邪勿疑任賢勿貳可以興矣朕思之恐不免斯事公卿侍臣可書之於笏知必諫也

八十守節

顏真卿改太子太師李希烈陷汝州盧杞乃建遣真卿四方所信若往諭之可不勞師而定詔可公卿皆失色李勉以為失一元老貽朝廷羞密表固留至河南府南尹鄭叔則以希烈反狀明勸不行荅曰君命可避乎既見希烈時朱滔王武俊田悅李納使者皆在坐謂希烈曰聞太師名德久矣公欲建大號而太師至求宰相孰

先太師者真卿叱曰若等聞顏常山否吾兄也祿山反首舉義師後雖被執詬賊不絕于口吾年且八十官太師吾守吾節死而後已豈容若等脅邪諸賊失色

唐本傳

八十如儀

盧鈞守太子太師帝元日太饗含元殿鈞年八十升降如儀音吐鴻暢舉朝咨歎

太子太傅

羣書要語

太傅審父子君臣之道以示之漢賈誼策寵極腰銀榮深佩玉記室

新書保傳承華鄭畋制承華太子門文選曰遵

彼承華又曰高步承華皆謂太子諸宮○升傳

儲宮曲阜行姚福太師制東朝二品行蔣九臯

太傅制東朝太子朝也文選曰東朝既建○漢

擇名儒任先疏廣晉崇碩德選在山濤六帖太

子太傅日就月將琢磨玉質言太子有玉之質

琢磨以道也應劭漢官儀

詩句灼灼英台莪莪德傳沈約詩言太子太傅

古今事實

銀章青綬

太子太傅銀章青綬佩蒼玉輿服志

佩水蒼玉

二傳進賢兩梁冠黑介幘五時朝服佩水蒼玉

諫嗜鮑魚

周文王使太公望傳太子發發嗜鮑魚望曰鮑
不登于俎安有非禮之物養太子哉

諫易太子

前漢叔孫通為太子太傅高帝欲以趙王如意

易太子通曰太子天下之本本一搖天下震動

柰何以天下為戲帝曰吾聽公言本傳

視尚書位

梁太傅一人位視尚書令百官志

以名臣拜

後漢明帝鄧禹先朝名臣拜太傅

以驃騎領

王充以驍騎大將軍領太子太傅

擇保相材

齊王攸為太子太傅獻箴太子曰保相之材必擇賢明

為世儒宗

賀循為太子太傅時朝廷初建動有疑義宗廟制度皆循所定朝野諮詢一時儒宗矣又循為太傅為世儒宗命皇太子親往拜之

執子弟禮

晉東宮舊事皇太子於二傅執子弟禮二傅入見太子詣崇賢門迎太子為二傅拜合荅拜入坐對坐張勃傳

輦導太子

山濤為太傅講於宣武堂東步輦導太子

躬訓儲宮

晉賀循爲太子太傅詔曰循清真履道居身以
冲約爲本立德以仁遜爲行躬訓儲宮默而化
成中興書

爲儲訓

傅暢晉公卿禮秩太傅立章少傅書真以爲儲
訓

傳論語

魯論語二十篇太子太傅夏侯勝等傳之論語序
傳不稱臣

魏太傅於太子不稱臣

見而正服

何夔字叔龍爲太子太傅每月朔太傅入見太
子太子正法服而禮焉魏志

聞名禮召

吳程秉事鄭元避亂交州與劉熙考論大義遂
博通五經權聞其名儒以禮召既到拜太子太
傅三國志

召對改容

吳張溫少修節操孫權聞之問曰溫當今與誰
爲比顧雍曰當今無輩召見占對觀者傾悚權

改容加禮拜議郎選曹尚書尋太子太傅吳志

召訪政理

唐趙宗儒太和初進太子太傅文宗召訪政理對曰堯舜之化慈儉而已願陛下守之帝納其言

疾病吟詠

白居易授太子太傅進封馮翊縣開國侯四年冬得風疾伏枕者累月乃放諸妓女素蠻等仍自為墓誌病中吟詠不輟

皆推石奮

石奮孝文時恭謹舉朝無與比太子太傅缺選可傳者皆推奮遂為太子太傅奮子慶循行孝謹元狩元年立太子選羣臣可傳者慶自沛守為太子太傅

即拜張佚

顯宗始立為皇太子詔問誰可傳太子者羣臣皆言陰識可博士張佚曰今陛下立太子為陰氏乎為天下乎即為陰氏則陰侯可為天下則固宜用天下之賢才帝曰欲置傅者以輔太子也今博士不難正朕况太子乎即拜佚為太子

太傅榮爲少傅後漢栢榮傳

奉觴爲壽

踈廣字仲翁爲太子太傅廣兄子受爲少傅宣帝置酒太子躬奉觴以爲壽上其嘉之後並上疏乞骸骨詳見總六傳

別案奉對

唐太宗伐高麗高士廉攝太子太傅仍典朝政皇太子下令攝太傅申國公士廉朝望國華儀刑攸屬寡人忝膺監守實資訓導此日聽政常屈同榻庶因咨白以祛蒙蔽但據按奉對情所未安所司宜別以一案供太傅

素服報恩

漢夏侯勝爲太子太傅受詔撰論語年九十卒太后爲勝素服五日報師傅之恩儒者以爲榮

漢書

賜第私讓

唐于志寧遷太子太傅嘗與右僕射張行成俱蒙賜第志寧奏曰臣居關右代襲箕裘周魏以來基址不墜行成等新營庄宅尚少田園於臣有餘乞申私讓

太子太保

羣書要語

保也者謹其身以輔翼之而歸諸道者也 文王世子召公為保書君

凡三王教世子入則有保記詳見總六傳入

則有保。保其身體賈誼疏春宮保氏曲阜除

文金制春宮三太名秩甚尊同上行蘇頌太保制

古今事實

以開府加

劉寔字子真以特進開府加太子太保王隱晉書

以特進行

懷帝以荀組為侍中特進行太子太保晉中興書

能保吾子

後魏顯祖將禪位於京兆王子推陸馥抗言皇太子聖德承基四海屬望臣請刎頸殿廷有死無二久之帝意解語曰馥直臣也其能保吾子遂以為太保

德導太子

唐蕭瑀為太子太保太宗曰三師以德導太子者也禮不尊則無所取法

詣朝五奏

張茂昭憲宗元和二年詣朝五奏乃聽願留不許加兼太子太保

寵異分班

宋朝王溥乾德二年罷為太子太保故事一品班於臺省之後太祖因見溥曰溥舊相當寵異之即令分臺省班於東西

國史

太子少師

古今事實

太子親拜

唐正觀初李綱為太子少師為陳父子君臣之道問寢視膳之方聽者忘倦太子嘗商確古來君臣孝忠盡節之事綱凜然曰託六尺之孤寄百里之命古以為難綱以為易每吐論發言辭色慷慨有不可奪之志太子未嘗不聳然禮待又綱有脚疾不堪踐履太宗令輿入東宮皇太子引上殿親拜之

太子行拜

房元齡為太子少師時皇太子將行拜禮備禮

以待之元齡厚自卑損不敢修謁識者重其崇讓又曰姚崇事當考

議選蕭俛

文宗議選舊德保護東宮乃以太子少師召蕭俛

詔選元齡

正觀中房元齡爲太子少師元齡遜位詔不許

太宗因謂侍臣曰太子師保古難其選

分給院錢

王起改太子少師起治生無檢所得祿賜爲童婢盜有貧不能自存帝詔曰益仙韶院錢儀者

謂與玩臣分給可恥也起賴其入不克遜

特賜步輿

李綱拜太子少師綱素有脚疾太宗特賜步輿令乘至閣下數引至禁中問以政道

乘馬入省

許敬宗爲太子少師乾封初以年老不能行步特令朝日乘小馬入禁門至內省

兩李少師

元和以來宰相有兩李少師故以所居別之一曰靖安少師一曰永寧少師職林

黃胤少師

後魏郭祚領太子少師祚從世宗幸東宮明帝
幼弱持一黃胤出奉之時謗祚者號為黃胤少
師

太子少傅

羣書要語

少傅奉世子以觀太傅之德行而
審諭之記漢栢榮之賜輜車晉山

濤之乘小輦

記室新書

漢用名儒任先疎受晉

推碩德選在羊公孔白六帖宮傅之亞淇水制

可領調護之任白集行嚴綬制俾登儲副之榮

宋朝歲表太傅少傅並不朝朔望漢故事

古今事實

張良卧傳

漢高帝謂張良曰子房雖疾彊卧傳太子時叔
孫通已為太傅張良行少傅事

匡衡即對

匡衡為太子少傅數上書陳便宜及朝廷有政
義即議經以對言多法義上以為任公卿

接以賓禮

王儉拜太子少傅朝議太子接少傅以賓友之
禮南史

賜以車馬

後漢栢榮字春卿顯宗立為皇太子以榮為少
傅賜以輜車乘馬榮大會諸生陳其車馬印綬
曰今日所蒙稽古之力可不勉哉並漢書

賜乘小輦

晉山濤為少傅拜太子求退帝賜小輦乘之以
訓太子白六帖

三世傳東宮

吳薛綜為太子少傅子焜孫皓時為太子少傅
晉平吳子無事元帝亦曰太子少傅自綜至無
三世傳東宮

西南謝太子

孝明帝在東宮宣武皇帝欲以崔光為太子師
傅光固辭帝令太子南面再拜宮臣皆從太子
拜光北面立不敢荅拜唯西面拜謝而出乃授
太子少傅

秉德履道

山濤轉少傅詔曰秉德冲素心思潛通清虛履

道有古人之風

秉德尚義

山公啓事皇太子始之東宮四海屬望保傳不可不高天下之選羊祜秉德尚義克已復禮又尚年少可久其事

外參傳訓

周顛字伯仁拜太子少傅上疏曰臣學不通一經智不效一官乃欲使臣內管銓衡外參傳訓質輕蟬翼事重千鈞此之不可不待議而明矣

晉中興書

得輔道義

華廙字長駿遷少傅得輔道之義

不言之益

周顛拜少傅詔云有不言之益

並晉書

以老乞辭

唐張行成拜左僕射太子少傅永徽四年二月不雨至五月行成懼以老乞身制荅曰古者策免幸罪已之義朕寡德非宰相咎乃賜宮女黃金器勅勿復辭行成固請

賜三傑詩

源乾曜為少傅與左右丞相宋璟張說賜宴尚
書省帝賦三傑詩以賜

並唐書

定二傅拜

何曾議太子少傅當稱臣拜荀顛曰太之與少
自三傅之名次爾非於天子有輕重也詔曰秦
漢以來舊章廢滅隨時改作其舊不可依用宜
准古義遂定二傅不拜

疏受閑雅

疏受為少傅辭理閑雅

王丹正直

王丹為少傅名德重於當時又東觀漢記丹為
少傅蹇蹇正直為太子少傅

魏志

古今文集

少傅箴

為太子少傅作傅立

箴曰正人在則德義盈堂鮑肆先入蘭臺不芳
傅臣司計敢告君王

又

後魏時為少傅以

蕭圓

箴曰愛惜日力寸陰毋棄親膳再飯寢門三至
小心翼翼大孝烝烝詢謀計慮問對疑承安樂
必敬毋忘戰兢

太子少保

羣書要語

東朝保傅歷代尊崇

白集行嚴綬

少保制

亞保春坊

洪水

古今事實

知公直士

唐李綱兼太子詹事頻乞骸骨高祖慢罵之曰
建成在東宮遣卿輔導何為屢致辭乎綱頓首
陳謝曰云云陛下功成業泰頗自矜伐臣事太
子所懷鄙見復不採納高祖謝曰知公直士勉

弼我兒於是擢太子少保上書太子曰綱備位
保傅冀得效愚鄙殿下飲酒過量非養生道凡
為太子務孝謹以慰上心不宜聽受邪說與朝
廷生甚間太子不憚

手勅稱名

李綱為太子少保高祖以其隋氏名臣甚加優
禮手勅未嘗不稱名其見重如此並唐書

賦詩歡會

唐李適之為右相李林甫密奏其好酒頗妨政
事元宗惑焉乃除太子少保適之遽命親故歡

會賦詩曰避賢初罷相樂聖且銜盃爲問門前
客今朝幾箇來舉朝服其度量

太常換散秩

長慶中以兼太常卿趙宗儒爲太子少保太常
有師子樂備五方之色非朝會聘享不作焉至
是中人掌教坊之樂者移牒取之宗儒不敢違
以狀白宰相宰相以爲事在有司執守不令關
白而宗儒憂恐不已宰相儒怯不任事故以散
秩

輔臣領東宮

宋朝天禧四年以資政殿大學士王欽若爲司
空職如故欽若以輔臣兼領東宮三少品序非
便表換秩故有是命

新編古今事文類聚卷之一

外集

新編古今事文類聚卷之二

外集

東宮官部

太子詹事 附 少詹事

歷代沿革

秦官 應劭曰詹省也給也秩二千

石漢 因之掌太子家位在長秋上

竇嬰太后兄子景帝即位為詹事文帝以鄭

當時為景帝詹事昭帝以韋賢為詹成帝鴻

嘉三年省後漢省詹事太子官屬悉屬少傅

魏 復置詹事領東宮眾務**晉** 以保傅位尊不

宜親細務武帝咸寧初用黃門侍郎楊珣為
詹事掌東宮之任後省江左復置齊置府領
官屬梁陳任總宮朝後魏有太子左右詹事
北齊東宮衆事无小大皆統之唐置詹事府
詹事一人正三品少詹事一人正四品上掌
內外衆務糾彈非違總判府事置少詹事以
貳之龍朔改端尹少尹咸亨復垂拱改宮尹
神龍復宋東宮官有詹事仁宗升儲置詹事
二人神宗欽宗升儲並置二人多以他官兼
充從三品少詹事正六品大元置太子詹事

從三品掌知東宮內外香務統領判院事少
詹事從四品掌貳詹事

羣書要語

儲端任顯東西兩晉茲選持難
儲端太子詹事也沈約齊安陸碑

宮端江摠為宮端分紀詹事彈肅一宮王璿荅

徐邈書彈違是屬宜肅事於東朝嗣許王太子

詹事制儲端華重實異常司陸倕表宮坊清班

白集行張偉制龍樓上僚宋榮制弼諧儲副必

侯才英摠務宮端允資忠蓋李寬冊漢朝選德

禮儀峻於竇卿晉代任賢光榮歸於謝琰○博

望斷裁之規輿情僉屬承華彈肅之寄任賢斯
在並同上尚居端尹之榮李藩制皇太子霞寨
青殿日晃春宮駕紫谷之英振洛笙之響自非
器上白雲韻同明月何以延芳芝苑插羽瓊條
竇嬰戚貴於西京陸擘風嘉於東國伊人之美
方曰可舉孔稚圭表

古今事實

青綬

晉詹事品第三銀章青綬絳朝服兩梁冠

衣錦

唐張行成轉太子少詹事太宗東征太子於定
州監國即行成本邑太宗謂行成曰送公衣錦
還鄉於是令有司祀其先人墓

雅意墳史

劉憲迂太子詹事時玄宗在東宮雅意墳史憲
曰殿下儲副非以尋章摘句要通大意而已侍
讀儲元亮經明行修宜召問以察其言

妙選賢材

晉武帝以王恭為太陽尹領太子詹事恭讓表
曰今日王儲始建四方是式摠司之任崇替所

由宜妙選賢材盡一時之勝

霸以經授

孔霸宣帝時以經授太子為詹事

漢書

珽上書諫

姚珽遷詹事兼左庶子節愍太子稍失道珽凡四上書諫中宗嘉歎焉

據禮當集

馮定改太子詹事鄭覃兼太子少師上曰欲會尚書省定據禮當集詹事府論者多其正

征羗有功

晉謝琰征羗有功為輔國將軍領太子詹事

舅得詹事

張說女嫁盧氏嘗為舅盧公求官候父下朝而問焉父不語但指搢床龜而示之女歸告其夫曰舅得詹事矣

弟代詹事

鄭縱字利用為太子詹事縱卒弟代為詹事

不得詹事

羊琇少與武帝同年相愛常謂帝曰若得天下用我為領護軍太子詹事武帝即位琇但為左

衛將軍不得詹事也

負外詔歸

嚴挺之徙絳州帝顧林甫曰挺之安在此其材可用林甫召其弟損之曰天子視絳州厚要當以事自解歸林甫見上且大用因給挺之使稱疾即奏挺之春秋高有疾幸得閑官自養帝恨叱久之乃以為負外詹事詔歸東都

長史屈除

高宗為皇太子轉李勣太子詹事右弼率太宗謂曰我兒新登儲貳卿舊長史故有此除雖屈階資可勿怪也並唐書

弼諧審喻

唐李綱為太子詹事太子嘗遊有進魚者太子使膾之唐儉趙元鼎自言其能太子曰操刀膾腥和鼎味公等善之若弼諧審喻則屬綱矣

文華無籍

陳後主在東京欲以江摠為詹事孔奐曰江摠有潘陸之才而無園綺之實輔弼儲貳切謂非宜後主深以為恨乃自言於宣帝將許之奐乃奏曰江摠文華之人今皇太子文華不少無藉

於摠如臣愚見願選敦重之才以居輔導帝曰誰可免曰都官尚書王廓代有士德立性郭敏可以居之後主時在側乃曰廓王泰之子不可居太子詹事免又曰宋朝范曄即范泰之子亦為太子詹事後主固爭之帝遂以摠為詹事

古今文集

雜著

辭免兼太子詹事奏狀 周必大

錫命自天措身無所臣竊惟儲端華重今昔所同漢韋賢質樸篤學始膺委任唐李勣至於舊

長史屈階資而為之近歲以來非老成端諒然為世所推則必於近臣中擇嘗任王府講讀及宮僚者就兼是職苟或異此寧虛厥官如臣不肖行能淺薄既無素望又非舊人驟預選掄實駭羣聽此臣所以彷徨震怖不敢自怨而但已也伏望 陛下重青宮之屬軫黃屋之思勿以反汗為難而以掄材為急朝多英望亦有舊僚改而命之庶叶公論冒輸懇悃必冀矜從

左右諭德

歷代沿革

唐龍朔中置左右諭德各一人掌侍從贊諭職擬常侍掌諭皇太子

以道德隨事諷贊皇太子朝官臣列侍左右

階出入騎從

宋東宮官有左右諭德建儲

則置否則闕仁宗神宗欽宗升儲皆置二人

並他官兼乾道置一人惟除左不除右

大

元置左右諭德掌諭道德侍從文章之事

羣書要語

東宮之有諭德猶上臺之有騎省清班優秩所選非輕

白集元稹制

東朝諭導

杜牧除郭銷制

就列宮坊申贊諭之

美

白居易行崔承寵制

詩句直道侍太子昌言沃宸聰

文選

古今事實

卿是東寮

唐德宗拜崔芊為諭德芊對東宮曰臣不識朝

廷典故見殿下合稱臣否東宮曰卿是東寮

公可大用

宋朝仁宗在東宮魯質肅公宗道為諭德一日

真宗召使者及門而公不在移時乃在肆中飲

歸中使遽先入白乃與公約曰上若怪公來遲

當託何事公曰但以實告中使曰然則得罪公曰飲酒人之常情欺君臣子之大罪中使嗟歎而去真宗果問使者具如公對自此竒公以為忠實可大用言行錄

楊汝礪兼

楊礪字汝礪真宗為襄王以礪為記室王甚重之東宮建兼右德諭真宗即位召入翰林為學士東都事略

陳彥升擢

陳薦字彥升神宗為穎王薦為王府記室參軍

神宗為皇太子擢右德諭

左右衛率府率

歷代沿革

衛率秦官屬詹事漢因之後漢主門衛徼循衛士而屬少傅魏因之

晉武帝建東宮置衛率初曰中衛率太始五年分為左右衛率各領一軍後又置中衛率是為五率宋元嘉中置太子右衛率永初元年置太子後衛率梁左右衛率各一人隋左右衛各置率一人副率二人掌宮中禁衛唐

左右衛率府率各一人副率各一人掌東宮
兵仗羽衛之政令摠諸曹之事宋太子諸率
府率從七品 大元置太子左右衛率府率
掌同衛導從儀仗事

羣書要語

凡太子出前衛率導在前黃麾外
左右二率從挾導輿車後衛率從
在烏皮外並帶戟執刀其服並視左右衛將軍
晉志凡正至太子朝官臣率其屬儀仗為左右
廂之周衛出入如鹵簿之法 唐職官志

古今事實

身居三職

李大亮拜左衛大將軍十七年晉王為皇太子
東宮寮屬皆盛選重臣以亮兼太子右衛率
俄兼工部尚書身居三職宿衛兩宮甚為親信
大亮每嘗直必通宵假寐太宗勞之曰當公宿
直我便安卧

品為第三

隋宇文述每與晉王謀事及晉王為皇太子乃
以述為左衛率舊令率官第四品以述素貴遂
進率品為第三其見重如此

文武信義

太子左率缺宜得其才無疾患者城陽太守石崇忠謹有文武河東太守焦勝清正著信義皆其選也 山公啓

清和理正

車騎將軍荀悝山濤舉之為太子右衛率稱清和理正從容顧問動可觀采真侍衛之美者

褚靈才藝

褚靈幼失父以才藝堪幹立名肅宗即位徵拜屯騎校尉遷太子左衛率 晉中興書

郗儉風神

郗儉為太子右衛率恢長八尺美鬚髯風神魁梧烈宗異之

卿當獨步

徐陵父摛為左衛率又袁淑為太子左衛率謝莊為太子中庶子時南平王獻赤鸚鵡普詔羣臣為賦淑文冠當時作賦畢示莊及見莊賦歎江東無我卿當獨秀我若無卿亦一時之傑遽隱其賦

書責遊巖

唐蔣儼除太子右衛副率時徵隱士田遊巖爲太子洗馬在宮無所補儼貽書責曰足下負巢由之峻節傲唐虞之聖主養煙霞之逸氣守林壑之遁情主上屈萬乘之重申三顧之榮遇子以商山之客待子以不臣之禮將輔導儲貳漸染芝蘭爾皇太子春秋鼎盛聖道未周足下受調護之寄是可言之秋唯唯而無一談悠悠以卒年歲遊巖不能答

謀廢賈后

晉劉卞爲愍懷太子左率知賈后必害太子乃問張華華曰君欲如何卞曰東宮雋又如林四率精兵萬人公居阿衡之任若得公命皇太子因朝使錄尚書事廢賈后於金墉當黃門力耳華曰廢立大事又非所能賈后微聞遷卞爲雍州刺史卞恐誅乃飲藥卒

僕正

歷代公華

僕秦官漢世太子五日一朝非入

朝日遣僕及中允旦入請問起居

後漢太子僕一人千石主車馬職如太僕晉

詹事屬官有太子僕銅印墨綬進賢兩梁冠絳朝服品第五主輿馬兼主親族如太僕宗正宋齊品服同家令從駕乘安車次家令梁陳太子僕視黃門隋僕寺置一人唐龍朔中改僕寺爲馭僕寺改僕爲大夫掌車輿騎乘儀仗之政令及喪葬之禮物辨其次序與其出入而供給之大元置太子僕正掌車正收弓箭儀事又太子副僕正掌貳僕正

古今事實

柳肅面折

隋柳肅遷太子僕太子廢坐除名爲民大業中帝與段達語及庶人罪狀達曰柳肅在宮大見踈斥帝問其故荅曰學士劉臻嘗進章仇太翼於宮中爲巫蠱事肅知而諫曰殿下帝之冢子位當儲貳誠在不孝無患見疑劉臻書生鼓搖唇舌適足以相誑誤願殿下勿納之庶人不懌他日謂臻曰汝何故漏洩使柳肅知之令面折我

左贊善

歷代沿革

唐置左贊善大夫正五品上掌傳令諷過失贊禮儀以經教授諸郡王龍朔二年改太子中允為之咸亨元年復置中允而贊善大夫不效又加置五人職擬諫議夫掌翊贊太子以規諷也皇太子出入動靜苟非其德義則必陳古以箴焉宋贊善皆緣舊制除授而無職司大元置太子左贊善掌道德侍從文章之事

古今事實

先諫官言事

唐白居易授太子左贊善大夫七月監殺宰相武元衡居易首上疏論其冤急請捕賊以雪國耻宰相以官官非諫職不當先諫官言事會有素惡居易者掎摭居易言辭浮華無行貶江州司馬

左右監門

歷代沿革

隋文帝置擬監門將軍各有直長十人左右監門率各一人副率二人掌諸門禁場帝改為宮門候唐左右監門

率府掌東宮禁衛之法凡東宮諸司應以籍入于宮殿者皆本司具其官爵姓名牒門司門司送于監門監門之主與判曹印署送于守者並司其出入凡財物器用之出入於宮禁者皆以籍傍為據左右監門以出入之若皇太子出入則依鹵簿之法率其屬於牙門之左右以為捍守垂拱中改左右監門率為鶴禁衛宋亦有左右監門大元名之各掌門衛禁

典儀 附 贊儀

歷代沿革

秦置中庶子負漢太子太傅屬官

有庶子後漢因之魏晉太子詹事

有中庶子各四人局擬散騎侍郎品第五絳朝服武冠平巾幘掌禁令糾正違闕侍從左右儉相威儀盡規獻納奏事文書皆典綜之釋奠中庶子扶左庶子扶右隋唐庶子之職掌侍從贊相禮儀駁正啓奏大元有太子典儀掌司贊禮儀事

侍正 附 侍丞

歷代沿革

齊太子有內直**梁**有內主壘主衣
扶侍等局各置有司以承其事**陳**
因之**隋**門下坊領內直監**唐**因之職擬尚輦
奉御龍朔二年改太子內直郎掌符璽繳扇
几案衣服之事 **大元**置太子侍正掌冠帶
衣服左右給使之事丞隨侍正輔丞之事

典食令丞 附 掌領令丞

歷代沿革

漢詹事屬官有食官令長丞**後漢**
太子少傅屬官有太子食官令一
人秩六百石主飲食**晉**食官令職如大官令
宋中庶子屬官有食官令**齊**詹事屬官有食
官令職儀食官令一人掌厨膳之事建元中
置食官丞四人**梁**庶子有食官局食官丞**陳**
因之**後魏**五品上**北齊**令丞又別領器局酒
局工丞太子食官丞一人門下別置典膳局
監丞各二人**隋**改為典膳正家令寺統食官
令丞**唐**食官署令一人從八品下掌領膳之

事丞二人爲之貳從九品下**大元**置太子典
食令典食丞掌侍奉肴饌又掌飲丞各一人
掌奉香藥酒等事

古今事實

減膳上書

唐邢文偉遷太子典膳丞時孝敬在東宮罕與
宮臣接見文偉輒減膳上書曰竊見禮記曰太
子既冠成人免於保傅之嚴則有司過之史徹
膳之宰史之義不得不司過宰之義不得不徹
膳方今皇帝式稽前典妙簡英俊自庶子已上

至諮議舍人及學士侍讀等使翼佐殿下以成
聖德近者以來未甚延納談議不狎謁見尚稀
三朝之後但與內人獨居何由發揮聖智使睿
哲文明者乎今史雖闕官掌當奉職忝備所司
不敢逃死謹守禮經輒申減膳太子荅曰顧已
庸虛早尚墳典每欲研精政術極意書林但在
幼年未閑將衛竭誠耽誦因即損心比日以來
風虛更積中奉恩旨不許重勞所以屢闕坐朝
時乖學緒公潛申勗戒式薦忠規敬尋來詣良
符宿志自非情思審諭義均弼諧豈能進此藥

言形於簡墨撫躬三省感愧兼深文偉自此益知名

司經

歷代沿革

晉太子詹事屬官有洗馬八人掌皇太子圖籍經書職如謁者局準秘書品第七班同舍人下絳朝服進賢一梁冠黑介幘**宋**亦置八人**齊**一人**梁**八人班第六正七品**陳**因之**北齊**二人從五品上**隋**門下坊司經局置四人從五品下**唐**因之龍朔

二年改爲太子司經大夫咸亨元年復舊神龍二年改司經局曰桂坊罷隸左春坊領崇賢館三年改司經大夫曰桂坊大夫糾正違失掌經史子集四庫圖籍刊緝之事立正本副本貯本以備供進凡天下之圖書上於東宮者皆受而藏之**大元**有太子司經又有副司經掌經史圖書筆硯等事

古今事實

才望充職

梁庾於後拜太子洗馬舊東宮官屬通爲清選

洗馬掌文翰尤其清者近代用人皆取甲族有才望者時於陵與周捨並擢充此職武帝曰官以人而清豈限以甲族時論美之

文雅登朝

荀邃字道玄拜太子洗馬戴若思特見欽重作詩頌之曰洗馬荀道玄既累葉重光才經文雅所以弱冠登朝荀氏家傳

章奏作草

江統字應元召補洗馬每有疑滯大事章表奏議輒為同官所推常為之作草文士傳

俸料由已

唐常袞為相先是百官俸料寡薄袞與宰相楊綰奏請加之時韓滉判度支袞與滉各騁私懷所加俸料厚薄由已太子洗馬實司經局長官文學為之貳袞有親戚任文學者乃給十二千而給洗馬十千其輕重任情如此

侍藥



奉藥

歷代沿革

北齊 門下坊領藥箴局有監丞各二人正六品下侍藥四人正七品

下隋門下坊領藥藏局監丞一人侍藥四人
監正七品下唐改為太子藥藏郎掌和劑醫
藥之事丞為之貳凡皇太子有疾命侍醫入
診候以議方藥應進藥命藥僮擣節之侍藥
和成之將進宮臣監嘗如尚藥局之職
大元置太子侍藥太子奉藥常承奉醫藥

都監

附

同監

歷代沿革

晉有太子寺人監員隋文帝始置
太子內坊有典內等員唐典內掌

東宮閣內之禁及宮人糧廩賜予之出入凡
任典直以儀式導客主之僉序任閤帥以門
戶任內闈以出入任給使以繖扇任內廐以
車輦任典事以牛馬典內統而監主之
大元有都監同監掌東宮閣內儀物等

司倉

附副司倉

歷代沿革

後漢太子少傅屬官有太子倉令
一人六百石主倉穀魏晉已下無

後魏

第五品中

北齊

家令寺領典倉署令

丞**隋**典倉丞二人**唐**典倉署令一人掌九穀入藏之教及醯醢庶羞器皿燈燭之事舉其名數而司出納凡諸園圃樹藝者皆受令焉丞二人判署事**大元**置太子司倉副司倉掌倉出給及薪炭等事

家令

歷代沿革 家令**秦**官屬詹事**漢**太子食湯沐邑十縣家令主之**後漢**太子少傅屬官有家令秩千石主食庫飲食職比廷尉

魏因之**晉**家令品第五銅印墨綬進賢兩梁冠絳朝服**宋****齊**清流皆不為之**隋**煬帝改家令為司府令**唐**改為家令寺龍朔二年改家令寺為官府寺家令為官府大夫**大元**置太子家令掌司禮儀法等

羣書要語

張晏曰太子稱家故曰令 家令之職掌皇太子之飲膳倉儲庫藏之政令總食官典倉司藏三署之官屬凡皇太子備禮出入則乘輅車具威儀先諸臣以道引若祭祀賓客則供酒食以為獻主 六典 太子家

令主倉穀飲食職似司農少府後漢百官志本注
太子家令主內茵褥牀机諸供中之物及官奴
婢月用錢內庫鹽米車牛刑獄宋書

古今事實

以智囊稱

漢晁錯上書言人主所以尊顯功名揚於萬世
之後者以知術數也皇太子材知高竒然於術
數未有所守上於受拜錯為太子家令以辨得
幸太子太子家號曰知囊

以賢良舉

疏受以賢良舉為太子家令

補吏部郎

晉武帝詔曰太子家令陸亮有忠心可補吏部
郎

諫出遊觀

譙周後主為太子以周為家令後主頗出遊觀
增廣聲樂周上疏諫曰昔王莽之敗豪傑並起
跨州據郡欲弄神器世祖初入河北賢才智士
思望所歸未必以其勢之廣狹惟其德之厚薄
也

蜀志

特被親遇

齊文惠太子入居東宮沈約為步兵校尉管書記時中宮多士約特被親遇每旦入見影斜方出尋遷太子家令

文號宮體

梁徐摛屬文好為新變不拘舊體為皇太子家令兼管書記文體既別春坊盡學宮體之號自斯而起

婢識家令

沈約嘗侍宴梁武帝有妓婢師是齊文惠太子

宮人帝問識座中客否曰唯識沈家令約伏地流涕帝亦悲焉為之罷酒

司箴

歷代沿革

晉家令主物吏四人**梁**庶子屬官有錫賜庫局又有東宮衛庫**北齊**

家令寺領司箴署令丞**隋**家令統司箴署令

丞**唐**司箴令一人掌庫箴財貨出納營繕之

法式丞二人判署事**大元**置太子司箴副

司箴掌庫財貨出入之事

新編古今事文類聚卷之二

外集

新編古今事文類聚卷之三

外集

睦親府部

判睦親正事

歷代沿革

判睦親正事即宋之大宗正司也

自仁宗景祐三年始置大宗正司

以皇兄江寧節度使允讓皇姪彰化軍留後

守節同知大宗正事時宗室子孫衆多聚居

大第故於祖宗後各擇一人知宗正事令叙

睦之違則糾其失焉元豐官制行詔大宗正

司不隸六曹大宗正以宗室團練以上有德望者為之次一人為同知位高屬尊者為判掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總之屬有記室一人掌牋奏講書教授十有二人分位隸授兼領小學之事崇寧元年蔡京請宗室非袒免親以下兩世欲於西京南京迂輔每處置敦宗院光宗即位改為睦宗院

大元

置睦親府掌敦睦

糾率宗屬欽奉王事有判睦親正事以宗室中屬尊者充又有同判睦親正事同簽睦親正事並以宗室充又置睦親正丞及知事諸睦親將軍副將軍檢法等員

羣書要語

以親九族九族既睦書堯典周家

忠厚故能內睦九族詩行葦親親

以睦伐木三從九親別踈睦之族張晉傳整訓

屬族次第昭穆杜牧行李文學制選諸近屬之

尊董我大宗之秩曾子宣行宗晟制司典屬籍

克有令名東坡除宗晟制惟我公族統于大宗

崇敘訓齊創宏規於文祖錢騶除宗晟制總訓
齊於屬籍宗景制惟時賢亮司我本支胡文恭
行宗疆制董正宗牒賜允弼詔首秉宗司同上
資大德之夙成賴九宗之治正胡文恭集董正
宗籍賜允弼內以糾正於宗支元厚之除宗伯制

古今事實

領宗正務

李勉都領宗正之務

鄴侯家傳

定讀書規

治平元年判大宗正事允弼言詳定到皇親讀

書等賞罰規式詔依所定次第施行

四朝國史

訓導行藝

神宗太宗正司同知官各一人以宗室團練使
以上充掌宗室之教法政令以行藝訓導而敦
睦之受其辨訴之事而糾其失微罪即先劾以
聞即法例有疑不能決者同上殿取裁

舉劾違失

景祐二年二月大宗正司言皇族凡有違越過
失請從本司舉劾從之

置自訟齋

趙宣簡公不息字仁仲知大宗正事始置自訟齋請賜書使宗室有過者讀焉奏修宮學添弟子負訓勉宗室先教養後法戒薦其秀傑者數十人多至通顯所論天下事尤多

築聞義室

英宗在藩邸凡宗室人材能否皆詳知之頗賢宗惠及即位擇宗惠為同知大宗正事告以選任之意宗惠乃即所居築室曰聞義日與學士大夫講肄其間以身倡率宗屬

焚荀子檢

趙不息為大宗正司時歲大旱一日進九荀子上即施行退而焚其檢上知其忠親信之宴禁中公前為壽上令公滿酌飲之酌謂皇太子及嗣濮王等曰此賢宗室也

葉水心集

詳酌奏請

景祐三年始置大宗正司以允讓與守節同領其事凡有奏請不得專達必宗正司詳酌而後以聞所以勉進其敦睦而糾正其愆失也

賜鞍馬

皇祐三年以允讓知大宗正事守節同知大宗

正事仍賜襲衣金帶鞍馬時宗室子孫衆多方
聚居於大第故於祖宗後各擇一人令敦睦之
違失則糾正焉凡宗室奏陳先委詳酌而後聞
仁宗實錄

賜甲第

仲忽入判大宗正事徽宗賜之甲第建親賢懋
功之閣以示寵仲忽鯁亮端毅動循禮法立宗
司法式四朝國史

父子司宗

元豐七年以宗景知大宗正事先是宗景父允

弼宗司久故神宗復選而用之使諭其母先王
久司宗正德及皇族令命而子繼之夫人宜多
慰也四朝國史宗景

古今文集

雜著

增置同知太宗事詔

其略曰夫明德以親九族正家而刑萬邦古先
哲王罔不由此朕嗣守丕業率循舊章惟皇屬
之敦和命宗臣而董正念其性本於仁厚宜廣
學以勤修顧其日益於衆多必增負而統理庶

乎協贊其職並修厥官式孚予休以副予意

賜士儻辭免大宗正司不允詔

朕惟卿資宗室之英擁將旄之重俾統盟於庶族用蕃屏於行朝庶籍本枝之強永圖龜鼎之固雖中外屬阽危之會而戚休惟同姓之均盍體詔恩即祇官守懇辭之語朕未欲聞所乞宜不允故茲

詔示想宜知悉

睦親正丞

歷代沿革

神宗熙寧三年置丞三員以異姓朝臣充都官員外郎張稚圭知丞

事光祿寺丞李德初同知丞事神宗疑用異姓王安石言前代宗正固有用庶姓時乃錄春秋時公族大夫事神宗曰此雖無前代故事行之何害安石曰聖人創法不必盡循前代所已行者於是召稚圭對而命之元豐五年詔太宗正丞中書省奏差以文臣京朝官知

大元置丞三人因舊制也

羣書要語

晉丞瑤籍慶元制爰禪訓齊往分
糾正同上贊治公姓人無間言曲
阜集知大宗正丞崔公度制

古今事實

相不能屈

田畫字承君人物雄偉議論慷慨俱有前輩之
風入為大宗正丞宰相曾布欲收置門下不能
屈言行錄

自守無訕

曾恬少事楊時謝良佐陳瓘得存心養性之學

及為大宗正丞秦檜專政士求媚以取要官恬

自守無所訕

中興係年錄

條上五事

知大宗丞謝伋上宗室五事曰舉賢才以強本
支更法制以除煩苛擇官師以專訓導繼封爵
以謹傳襲修圖牒以辨親疎詔內外從官各舉
宗室一人始立法大嚴學官久闕襲封之典遂
廢宗正有寺無官故伋言之時用伋議惟襲封
食

古今文集

古詩

送王龜齡赴越州宗丞 周必大

冊府號冀北一時聚奇材嗟我雖末至尚及相
追陪胡子真老驥元章蓋龍媒爾來厭名韉感
踏遊九垓王子乃汗血疑是西極徠忠精貫日
月聲名震陪儻君王市駿骨得此七尺駉秣以
天山禾貯之黃金臺玉勒繡羅鞍映帶文錦韉
謂言開道路亦復薄蓬萊已歸丞相府連月書
百回東郊治公姓笑渡濤江雷奉身信美矣體
國安在哉帝家十二閑何嘗列駑駘遲子復立
仗來歸勿徘徊

新編古今事文類聚卷之三

外集

新編古今事文類聚卷之四

外集

王府官部

總王府官

傳 府尉 司馬
文學 記室參軍

歷代沿革

漢帝子為王王國置大傅相中尉
各一人後每國置郎中令一人晉

諸王國大國有三卿左右常侍侍郎梁皇弟
皇子府置師長史司馬從事中郎諮議友掾
屬錄事記室中兵等參軍及文學主簿功曹
等負嗣王府蕃王府則減後齊王位列大司

馬上置師一人餘官大抵與梁不異隋親王置師友各一人文學二人長史司馬諮議參軍掾屬各一人主簿二人餘事功曹記室等各一人唐親王府傳一人諮議參軍友長史司馬掾屬主簿錄事諸曹各一人文學記室典籤各二人宋王府師傳係以兼官為之而無定負又有翊善直講贊讀記室及諸王宮大小教授等官大元止置傳府尉司馬文學記室參軍傳

漢高祖初置諸侯王有大傳輔導王魏晉因之宋齊梁陳皆為師後魏諸

蕃王各有師傅北齊唯置師隋皇叔昆弟皇子為親王者置師唐因之開元改為傳五代後唐長興四年以秘書監劉贊為之宋有其官而無定負正三品大元傳正四品掌師範輔導參議可否

府尉

漢諸王國有王尉魏晉宋齊梁陳北齊並有中尉隋因為尉唐因之置二

人正九品下掌分判國司事宋無其官大元置府尉從五品掌警嚴侍從檢校門禁總統府中事

司馬

司馬主兵官**宋齊**諸王領鎮者各置一人**梁陳後魏北齊隋**並與長史同

唐因之置一人從四品下掌統理府寮紀網職務**宋**有其官名而無定負 **大元**司馬從六品掌同府尉之事

文學

漢公府州郡並有文學**魏**諸王始有文學負**晉宋齊梁陳**皆因之班第五從七品**後魏**六品上**北齊**因之**隋唐**親王府置二人從六品上掌讎校典籍侍從文章**宋**不置 **大元**復舊制從七品

記室參軍

漢三公及大將軍皆有記室令史主上章表奏板書記**魏**太祖輔漢以陳琳阮瑀管記室軍國書檄名二人所作**晉**諸公及位從公已上並置**宋**諸公府置**梁陳**公府及王府皆置**北齊**因之**隋唐**親王嗣王府置掌表啓書疏**宋**太平興國中置政和中以參軍行軍之際所稱詔除參軍字 **大元**復舊名正八品

古今事實

有召必至

以下係傳

皇太子纒求乞自退封東海王故重選官屬以杜林為傅從駕南巡狩時諸王傅數被引命或多交遊不得應詔惟林守慎有召必至特受賞賜又辭不受帝益重之後漢

盡忠輒諫

吳儀字子羽南魯二宮初立儀以本職領魯王傅儀嫌上宮相近乃上疏以魯王兼資文武為國藩輔二宮宜有降殺正上下之序明教化之本書三四上為傅盡忠動輒規諫吳志

擇贊自傳

趙贊為秦王傅秦王從禁握兵而驕言者請置師傅以傅之大臣畏王請王自擇秦王即請贊拜秘書監為秦王傅贊泣曰禍將至矣五代史

知儀必儉

吳儀為魯王權傅盡忠規諫事上勤與人恭不治產業不受施惠為屋舍才足自容鄰家有起大宅者權出望見問大室者誰左右對曰似吳儀家權曰儀儉必非也問果他家吳志

治官廉節

以下係府尉

孔申公弟子為博士十餘人孔安國至臨淮太

守徐偃為膠西中尉其治官皆有廉節稱其好學

史記

論語同異

淮陽王宣帝愛子器異其子欲以嗣王恃寵自驕乃用韋玄成為中尉以輔導之受詔與蕭望之等論五經同異於石渠閣

三輔決錄

號將軍

梁孝王招延四方豪傑齊人公孫詭多奇計初見日賜金官至中尉號公孫將軍

前漢

思中尉

邵弘字德裕時景帝為琅琊王請弘為中尉弘體素方嚴儀宏甚偉雖私門接對悉委身隨使者潛至舍令使者進曰王有令弘徐理鬢冠履俯伏盡禮然後讀之王與使者羣立瞻聽歎曰古人稱不愧于屋漏其邵中尉乎吾乃逆詐以誠長者豈不陋哉王虚心受納忻宴言話晝夜無休弘乃上書諫王書讀三四瞿然失色後謂左右曰思邵中尉之言使人于今毛豎

前後

母為王吏

王吉為昌邑中尉以數諫王得減死髡戒子孫

母為王國吏

方外司馬

以下係司馬

後魏王晞為常山王司馬在并州雖戎馬填閭未嘗以世務為累良辰美景嘯詠遨遊登山臨水以談讌為事士人謂之方外司馬北史

驢府司驢

謝超宗為黃門郎以失儀出為南郡王中軍司馬人問曰承有朝命定是何府超宗怨望荅曰不知是司馬為是司驢既是驢府正應為司驢有司奏以怨望免禁錮十年南史

諫王不法

蘇良嗣高宗時為周王府司馬王年少不法良嗣數諫甚見尊憚

吾子賴卿

劉悼之拜相王府司馬帝謂曰卿家忠孝吾子賴卿師矩冀蓬在麻不扶而挺也

善詩賦

晉諸公贊扶風王年八歲聰明善詩賦中表奇之魏烈祖以為齊芳王文學

善辭藻

竟陵王子良開西邸招文學牛僧孺虞羲丘國賓蕭文琰丘令楷江洪劉孝孫並以善辭藻游焉

不取貴遊

齊衡陽王好學善屬文武帝謂王儉曰衡陽王須文學當使華實相稱不得止取貴遊子弟而已乃以太子舍人蕭敷爲文學

南史

精選賓友

晉鄭表魏武帝初封諸子爲侯精選賓友表與徐幹俱爲臨菑文學

察王舉措

山中恭王袞每讀書文學左右常恐以精力爲病數諫止之然性所樂不能廢也文學方輔相與言曰受詔察王舉措有過當奏及有善亦宜以聞不可匿其美也遂共表稱陳袞美袞聞之大驚責讓文學曰修身自守常人之行耳而諸君乃以上聞適增其負累也

魏志

作富貴箴

以下係記室參軍

孫覺傳字莘老遷昌王府記室參軍王禮之問終身之戒覺爲陳諸侯之孝作富貴箴

陳進退節

神宗封淮陽王穎王韓維皆為記室參軍王每事咨訪維悉心以對至拜起進退趨揖之容皆陳其節四朝國史

專掌文疏

東海王越以孫惠為記室參軍專掌文疏每造書檄越嘗驛馬催之應命立成吳志

面叱巧令

竇偁為晉府記室賈琰為判官每諸王宗室宴集琰怡聲下氣褒讚捷給偁叱曰賈氏子何巧

言令色之甚獨不懼於心邪揚文公談苑

不可得而親疏

薛元敬薛收及族兄德音齊名世稱河東三鳳收為長雛德音鸞鸞元敬年最少為鷓雛武德中為記室元敬謹畏未嘗申款曲於房杜如晦歎曰小記室不可得而親不可得而疏

不可有功名心

韓維字持國神宗初就外傳以維為王府記室神宗嘗與維論天下事語及功名維曰人之功名因事始見人不可有功名心神宗稱善國

史

新編古今事文類聚卷之四

外集

史

新編古今事文類聚卷之四



